

之呀可大念也哉昔者齊景公一聞晏子之言而作君臣相悅
之樂其詩曰畜君何尤孟子曰畜君者好君也人君之所以畜止
其君者皆其愛君之至誠也孔子對定公曰子無樂乎為君唯
其言而莫予違也釋之者曰如不善而莫之違也忠言不至於耳
君日驕而臣日諂未有不喪邦者也伏願 殿下君臣相悅以景
公為法唯其言而莫予違以聖訓為戒常加惕念終始如一則
宗社幸甚國家幸甚谷曰觀此劄論予豈不嘉納乎但予不敏
近日心熱或有上攻計慮淺短欲通君臣之情妄料發言矣當
留念焉

中宣賜重試文臣司僕寺正丁允禧等六人武臣劄鍊院奉事黃
允容等二十人等及第○四方沈霧全羅道順天平安道平壤日
石兩珥冠色青赤上有背虹甌山薄雲四布日之東西兩傍似日形
赤氣浮空北方又青紅赤氣橫天良久不滅咸從日耀黃赤左右
有珥虹蜺亦見於其傍

乙卯四方沈霧夜異方南方如火氣